

ne soit sans vn regret & vne extreme douleur , puis que ie te vois encore gisante dans l'espaissè tenebre de l'infidelité, si peu illuminee du Ciel , si peu esclairee de la raison , & si abrutit dans l'habitude de tes mauuaises coustumes ? tu as mal ménagé les graces que le Ciel t'a offertes , tu veux estre Chrestienne , tu me l'as dit. Mais helas ! la croyance ne suffit pas, il faut le Baptesme : mais si tu ne quirtes tout ce qui est de vicieux en toy , de quoy te seruiront la croyance & le Baptesme , sinon d'vne plus grande condemnation ? l'espere en mon Dieu toutesfois , que tu feras mieux , & que tu feras celle qui iugera & condamnera vn iour deuant le grand Dieu viuant beaucoup de Chrestiens plus mal viuans , & mieux instruits que toy , qui n'as encore veu de Religieux , que des pauures Recollets du Seraphique saint François , qui ont offert à Dieu & leur vie & leur sang pour ton salut.

Passons maintenant dans ces barques iusques à Tadoussac , où le grand vaisseau nous attend , puis que nous auons fait nos adieux à nos Freres , aux François , & à nos pauures Sauvages. Ce grand vaisseau nous conduira à Gaspé , où nous